



Sermon
Kxf. Dr. Numlaajtsheb Yaaj

“Lub Tsev Saum Ntuj Ceebtsheej”

Third Sunday after Pentecost
Our Savior Lutheran Church
6-13-2021

Thov txoj koobhmoov txojkev hlub thiab txojkev haumxebb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

2 Kauleethaus 5:1 “For we know that if the earthly tent we live in is destroyed, we have a building from God, an eternal house in heaven, not built by human hands – *Peb paub haistias peb lub tsev pheebsuab hauv ntiaj teb no yuav raug puamtsuaj, peb muaj lub tsev los ntawm Vajtswv, uas yog lub tsev saum ntuj ceebtsheej nyob mus ibtxhis, tsis yog ua los ntawm tibneeg txhaistes.*” (Cross Reference – Yauj 4:9, Yaxayas 38:12, Malakaus 14:58, Tes Haujlwm 7:48, 1 Kauleethaus 15:47; 4:7, Henlais 9:11, 24, 2 Petus 1:13-14)

Illustration: (Chronic back pain) **(Show back pain)**



Muaj ibtug niamtsev niajhnuv txhawj txog nws txojkev uas muaj “lower back pain – *mob duav.*” Nws yuavtsum mus xav tshuaj txhua lub hli nws thiaj li yuav nyob taus. Yog nws tsis xav ces nws tsua ntsaj, mus tsis taus kev, thiab tseem yuav ntog yog nws tsis siv tus pasnrig los txheem nws. Nws tsua xav haistias lub neej no ces tag li no lawm thiab tsua tos txog hnuv uas nws tuag lawm xwb lauj. Yog leejtwg muaj tej mob uas loj hnyav lawm tej zaum nws yuav xav li tus niamtsev no xav thiab vim haistias nws tsua txhawj txog haistias hnuv twg nws tej mob mam li zoo? Yog tsis zoo ces nws yuav ris nws tus mob mus txog hnuv uas

nws tuag lawm thiaj li tag rau txojkev txomnyem no. Peb ua neej nyob peb yuav muaj mob ntau yam nyob rau hauv lub ntiaj teb no vim peb laus zujzus ces peb yuav muaj mob zujzus. **(Show home in heaven)**



Thaum tej no tshwm tuaj rau yus lub cev lawm, ces nov yog txojkev ua rau yus lub cev pib puas zujzus. Tus Thwjt看 Paulus thiaj li sau haistias, “For we know that if the earthly tent we live in is destroyed - *Peb paub haistias peb lub tsev pheebsuab hauv ntiaj teb no yuav raug puamtsuaj.*” Txawm zoo li no los peb tseem muaj txojkev cia siab. Lub neej tsis yog yuav tag li no. Peb yuav saib dhau ntawm txojkev mob nrog rau kev tuag vim peb muaj lub tsev nyob saum ntuj ceeb tsheej mus ibtxhis, vim Vajtswv twb npaj tseg rau peb lawm.

I. Yog leejtwg mus camping nws yuavtsum tau npaj lub “tent – *tsev ntaub - pheebsuab*” Ib qhov teebmeem uas teeb lub tsev ntaub no yog yuavtsum txawj teeb kom ruaj khovkho thiaj li yuav nyob ruaj khov thiab tsis yas thaum cua ntsawj losyog tibneeg dawm tej hluas khi rau hauv av. **(Show blew tent)**



Lub uas tsi ua zoo, thaum cua hlob tuaj losyog leejtwg dawm tej nyuag hluas khi xwb ces lub tsev ntaub yuav yaw thiab pob lawm. Tsev ntaub yeej tsis ruaj tsis khov. Yuavtsum ua kom zoo thiaj li yuav ruaj khov kho.

(Show torn tent)



Tus Thwjtim Paulus tsabntawv muab peb lub cev no piv zoo li lub tsev ntaub “pheebsuab.” Zoo li lub tsev ntaub peb lub cev no tsis ruaj tsis khov. Nej leejtwg uas muaj cov tsev ntaub yeej paub lawm haistias nws kav tsis ntev. Yog koj siv ntau lub xyoo nws yuav pib xubpleb, ntaug thiab pob tag. Tej tsev ntaub yeej puas sai heev li. Nov zoo sisthooj li peb lub cev ua neej nyob. (Show human life cycle)



Ntau zaug kuv mus muab Tus Tswv Roojmov rau cov laus tomtsev losyog mus xyuas cov tibneeg laus nyob tom nursing home, kuv rov nco txog haistias peb lub cev uas txawj laus tsua muaj tsaug zujzus lawm xwb. Peb pib tsis hnov lus, peb tej qhovmuag pib plooj tsis pom kev. Peb ib cev pib txhav tig tsis tau, peb pib hnov qab tsis feeb meej vim peb lub hlwb tsis ua haujlwm zoo li thaum peb tseem hluas lawm. Lub tsev ntaub “pheebsuab” uas peb ua neej nyob puas zujzus txog hnuv uas tuag.


(Show risk factors)



Cov kwvtij hlub thiab movtshua, peb lub cev zoo li lub tsev ntaub “pheebsuab.” Peb txhuatus yeej paub tej tus tibneeg uas tau tag simneej ua ntej txog nws lub sijhawm los ntawm kev mob, tsheb sibnraus, kev huam yuaj “accident” losyog lwmyam uas paub tsis txog. Tej zaum lawv raug kev tsimtxom, tej zaum kev txhawjxeeb nyuajsiab ua rau tibneeg lub cev thev tsis taug. Tibneeg rov ua rau tibneeg lub cev tsaug zujzus los ntawm txojkev nyuajsiab. Tej zaubmov uas peb noj, tej dej uas peb haus muaj


feem los mus txos tau peb lub cev. Cov tibneeg laus uas muaj li 60-70 xyoo lawm yuavtsum saibxyuas tej zaub mov uas lawv noj, lawv thiaj li tsis muaj ntshav siab, ntshav qab zib, ntshav muaj roj, thiab lwmyam uas yuav ua rau tibneeg lub cev muaj stroke, heart attack, cancer, thiab tsaug zujzu mus txog hnuv tuag.

II. Txawm yuav muaj tej xwm zoo li no los nws yuavtsum muaj ibyam dabtsi yuav zoo rau tibneeg kom tibneeg tsis txhob tag kev cias siab ua lub neej nyob? Puas muaj txojkev uas muaj mus ibtxhis uas yog txojkev rau peb rov qab siab ua neej? (Show Jesus is preparing a place for us)




Yog haistias peb tseem pheej cia siab rau lub neej tiam no rau lub ntiajteb no xwb ces txhais tau haistias txojkev ua neej yeej tsis muaj qabhau dabtsi li lawm. Txojkev ua neej yuav raug puamtsuaj mus, tiamsis peb muaj lub tsev nyob saum ntuj ceebtsheej npaj tseg rau txhuatus uas ntseeg Tswv Yexus Khetos. Vajtswv txojlus thiaj li sau haistias, “For we know that if the earthly tent we live in is

destroyed, we have a building from God, an eternal house in heaven, not built by human hands – *Peb paub haistias peb lub tsev pheeb-suab hauv ntiaj-teb no yuav raug puamtsuaj, peb muaj lub tsev los ntawm Vajtswv, uas yog lub tsev saum ntuj ceebtsheej nyob mus ibtxhis, tsis yog ua los ntawm tibneeg txhaistes.* ” (1 Kauleethaus 5:1). Txawm haistias peb lub tsev yuav laus thiab yuav pob yuav puas los peb yuav tau lub cev tshiab uas Vajtswv twb coglus rau tus uas ntseeg lawm. (Show 1 Corinthians 15:42-44)




Paulus thiaj li sau nws thawj tsab ntawv rau cov ntseeg ntawm Kauleethaus haistias, “So will it be with the resurrection of the dead. The body that is sown is perishable, it is raised imperishable; it is sown in dishonor, it is raised in glory; it is sown in weakness, it is raised in power; it is sown a natural body, it is raised a spiritual body – *Ib yam li ntawd txog tus uas sawv ntawm txojkev tuag. Lub cev uas cog yuav lwj, tiamsis tsa rov los tsis muaj lwj, lub cev uas cog tsis muaj kev fwm, yuav tsa rov los tau koobmeej, lub cev uas cog ntawm kev tsis muaj zog, yuav*

tsa sawv rov los muaj hwjchim, lub cev ntawm lub cev ntajntsug, yuav tsa sawv rov lus ntawm lub cev ntsujplig. (1 Kauleethaus 15:42-44). Txawm haistias peb lub cev yuav tsis muaj zog, peb yuav tau lub hwjchim ntawm lub cev ntsujplig. (Show Revelation 21:4)



Yog li ntawd, peb cia siab ntsoov rau txojkev haumxeeb rau ntawm Tswv Yexus Khetos. Peb cia siab ntsoov rau lub neej kajsiaab lug nrog peb tus Tswv Cawmseej Yexus Ketos. Tus Thwjtiam Yauhaas sau haistias, “He will wipe every tear from their eyes. There will be no more death’ or mourning or crying or pain, for the old order of things has passed away – *Nws yuav so txhuatus lub kuamuag ntawm lawv tej qhovmuag. Nws yuav tsis muaj kev tuag losyog kev quajntsug losyog kev quaj losyog kev mob vim cov kev coj uas yav laus twb dhau mus lawm.* ” (Tshwmsim 21:4)

III. Cov tibneeg uas mus “camping – *pw havzoo*” yeej coj tej tsevntaub “pheeb-suab” mus teeb ua chaw so thiab pws. Tomqab ntawd tibneeg yuavtsum tau muab rhuav coj los tsev. (Show General Grant, Lee, and Modern soldier tent for working)



Cov tubrog ua dejnum yeej teeb tej tsevntaub thaum lawv mus ua dejnum rau tej thaj chaw. Thaum peb xyua cov duab txog Naisphoo Robert E. Lee, Ulyssess S. Grant thiab tiam tubrog tamsim no los lawv yeej teeb tej


tsevntaub. Teeb ib cov rau cov thawj tubrog, ib cov rau cov tubrog, ib cov ua lub chaw rau khoom, ib cov ua lub chaw npaj zaub mov noj thiab ib cov rau lwmyam. Vim lawv tsua nyob tsis ntev xwb lawv yuavtsum tau muab rhuav thiab yuav tau mus rau lwm qhov chaw. Nov zoo sishooj li tus Thwjtiam Paulus hais txog peb lub cev zoo li lub tsev ntau “pheeb-suab” uas tsua nyob ibtus rau hauv lub ntiaj-teb no. Tiamsis nyob rau saum ntuj ceebtsheej peb yuav muaj lub cev uas muaj nyob mus ibtxhis, nov yog lub tsev uas Vajtswv tsim uas yog lub kav mus ibtxhis thiab ibtxhis.

(Show \$159 million dollar Home – Heavenly home)



Peb ua neej nyob, tibneeg yuav muaj tej tsev uas zoo zoo nkauj thiab kim kim. Txawm tej tsev uas zoo kim txog li tsheej 1-200 laab duaslas los tej tsev no yuav nyob tsis ntev. Ib hnuv twg, tej tsev no yuav lwj thiab yuav pob mus. Lub tsev uas yuav kav mus ibtxhis ces yog lub tsev saum ntuj ceebtsheej thiaj li yog lub uas khovkho thiab nyob mus ibtxhis thiab ibtxhis.

Cov kwvtij hlub thiab movtshua, peb yuav ua li cas thiaj li tau lub tsev nyob saum ntuj ceebtsheej mus ibtxhis thiab ibtxhis? Peb lub cev no yuav ua li cas thiaj li yuav hloov los mus tau txojkev thajyeeb thiab kev kajsiaab mus ibtxhis? (Show 2 Corinthians 5:10)



Paulus sau haistias, “For we must all appear before the judgment seat of Christ, so that each of us may receive what is due us for the things done while in the body, whether good or bad – *Rau qhov peb txhuatus yuavtsum mus sawv ntawm Khetos lub rooj txiavtxim, kom peb txhuatus tau qhov nqi zog rau peb txhuatus raws li tes haujlwm uas peb ua tau los lawm thaum peb tseem ua neej nyob rau lub cev no, txawm yog nws ua zoo losyog ua phem.*” (2 Kualeethaus 5:10). Paulus lolus samfwm yog hais txog peb tes haujlwm uas peb ua yog los ntawm peb txojkev ntseeg tsis yog los ntawm

tes haujlwm uas peb ua zoo. Cov uas khav haistias lawv ua tau haujlwm zoo yuav raug cais mus rau ntujtagw teb tiamsis tus uas ntseeg Yexus Khetos ua nws tus Cawmseej, thiab ua nws lub neej teev tiam Vajtswv nws thiaj li muaj feem tau lub tsev saum ntuj ceebtsheej mus ibtxhis. Txojkev txiavtxim kawg yog saib koj puas ntseeg thiab cia siab rau Tswv Yexus Khetos?

Yog peb xav txog txojkev txiavtxim yuav ua rau peb ntshai kawg nkaus. Paulus tsabntawv hnuvno qhia rau peb haistias peb yeej muaj peevxwm rau lub sijhawm uas peb raug txiavtxim tias peb yeej yuav tau lub tsev saum ntuj ceebtsheej mus ibtxhis vim Yexus Khetos twb cawm peb los ntawm nws txojkev tuag theej peb lub txim lawm. Vajtswv Txojlus yeej qhia rau peb tias, Yexus muas peb rov los ntawm nws cov ntshav uas dawbhuv. Peb yog nws tug mus ibtxhis. (Show Layaway)



Cia kuv muab hais kom yoojyim rau koj totaub tshaj no. Yog haistias koj mus txog tom khw thiab pom ib lub tsho zoo zoo tiamsis nws kim kim. Koj yuavtsum tau muab nyiaj coj mus teev tseg “deposit” cia tias koj yuav rov qab tuaj them nyiaj kom txog hnuv uas koj them tag lub tsho ntawd thiab mus nqa los tsev lawm lub tsho ntawd thiaj li yog koj lub. (Show heavenly kingdom)



Nov zoo sisthoj li Yexus twb them koj txojkev txhaum tag lawm. Nws mus npaj chaw tseg thiab nws yuav rov los coj koj mus nrog nws nyob saum ntuj ceebtsheej. Yog li ntawd, cia li nyob kajsiaab lug vim koj twb tau txojkev “guaranteed – coglus” uas yog tau lub tsev saum ntuj ceebtsheej mus ibtxhis thiab ibtxhis. Asmees. Thov kom Vajtswv Txojlus pub rau koj totaub thiab tau nyob

kajsiaab lug rau ntawm Tswv Yexus Khetos. Peb txhuatus uas yog Vajtswv cov menyuum peb sawvdaws hais: Asmees.